

## Reglur um notkun á merki Reykjavíkurborgar

### 1. grein

#### Útlit skjaldarmerkisins

Skjaldarmerki Reykjavíkurborgar er tvær öndvegissúlur og þrjár öldulínur á gotneskum skildi.

### 2. grein

#### Litur merkisins

Litur merkisins er blár en öndvegissúlur og öldur eru hvítar. Nota má svartan lit í stað þess bláa. Sé merkið prentað á dökkan grunn er heimilt að draga hvíta línu í kringum það.

Skýringarmyndir með 2. grein.



Borgarstjóra er heimilt að nota silfur í stað hvíta litarins.

Í Pantone litakerfinu er blái liturinn Pantone 287: 12 hlutar Pantone Process blár, 4 hlutar Pantone Reflex blár, ½ hlutar Pantone svartur.

Í CMYK litakerfinu: Cyan:100%, Magneta: 69%, Yellow: 0%, Black: 11%.

Í RGB litakerfinu (skjábirting): Red: 0, Green: 51, Blue: 102

Merki notað svarthvít: 100% svart

### 3. grein

#### Letur merkisins

Með skjaldarmerki borgarinnar er notuð leturgerðin *Berthold Akzidens Grotesk*. Í rafrænu skjalavistunarkerfi borgarinnar er heiti embættis, deildar og stofnunar skrifað með *Arial* (*Arial regular*). Skjaldarmerkið skal annað hvort staðsett fyrir framan texta eða miðjað með texta. Heitið Reykjavíkurborg er notað í yfirtitli og heiti viðkomandi embættis, deildar eða stofnunar þar undir. Leiðbeiningar um notkun á stórum og litlum staf er að finna í fylgiskjali 1. Stærðarhlutföll leturs og skjaldarmerkis hafa verið fastsett sbr. hönnunarstaðal í fylgiskjali 2.

Skýringarmyndir með 3. grein.



Skjaldarmerkið með lettri er aðgengilegt á vef borgarinnar, [www.reykjavik.is](http://www.reykjavik.is), og hjá upplýsingafulltrúa Reykjavíkurborgar.

#### 4. grein

##### Notkun skjaldarmerkisins með öðrum merkjum

Skjaldarmerki Reykjavíkurborgar má ekki fella inn í önnur merki, tákn eða letur. Þegar skjaldarmerkið stendur með öðru merki skal fjarlægð frá því að lágmarki vera sem nemur helmingi af breidd skjaldar.

#### 5. grein

##### Notkun merkisins

Borgarstjóri, borgarfulltrúar og stofnanir borgarinnar noti merkið á bréfum, nafnspjöldum, í útgáfum, auglýsingum og til að auðkenna starfsemi borgarinnar.

##### 5.1 Bréfsefni og nafnspjöld

Á bréfsefni verði skjaldarmerki borgarinnar ásamt heiti embættis, deildar eða stofnunar efst í vinstra horni. Óski stofnanir eftir að nota eigin merki á bréfsefni ber að staðsetja það neðst í hægra horni og skal það vera innan reits sem er að hámarki jafnt skjaldarmerkinu á hæð og 2/3 af heitinu Reykjavíkurborg á breidd. Hið sama gildir um nafnspjöld kjörinna fulltrúa og starfsmanna borgarinnar og skal stærð merkis stofnunar vera í sömu hlutföllum og á bréfsefni. Ef stofnanir óska eftir að hafa mynd af starfsmanni á nafnspjöldum skal hún vera fyrir ofan nafn viðkomandi. Sjá fyrirmyndir að bréfsefni og nafnspjöldum í fylgiskjali 3.

##### 5.2 Kynningarefni, auglýsingar og annað útgefið efni

Í öllu kynningarefni, skýrslum og öðru útgefnu efni frá stofnunum borgarinnar á merki borgarinnar að vera áberandi á forsíðu og/eða baksíðu. Leitast skal við að nota skjaldarmerki borgarinnar en þar sem henta þykir betur er heimilt að nota sk. „kynningarútgáfu“ merkisins, þ.e. ferhyrning eða borða með merki borgarinnar í stað skjaldar sbr. sýnishorn í fylgiskjali 4. Ekki er gerð krafa um nákvæma staðsetningu merkisins eða útlit að öðru leyti en því að hönnuðum ber að gæta þess að merkið falli vel að heildarútliti og njóti sín vel.

Merkið er aðgengilegt á vef borgarinnar, [www.reykjavik.is](http://www.reykjavik.is), og hjá upplýsingafulltrúa Reykjavíkurborgar.

### **5.3 Atvinnuauglýsingar**

Í atvinnuauglýsingum skal nota skjaldarmerki borgarinnar með heitinu Reykjavíkurborg og ber að staðsetja það efst eða neðst á vinstri blaðrönd. Ekki er gerð krafa um útlit að öðru leyti en því að hönnuðum ber að gæta þess að merkið falli vel að heildarútliti og njóti sín vel.

### **5.4 Vefsíður**

Á vefsíðum stofnana á, með notkun skjaldarmerkisins, að koma fram með greinilegum hætti að þær tilheyri Reykjavíkurborg. Ekki er gerð krafa um nákvæma staðsetningu merkisins eða útlit að öðru leyti en því að hönnuðum ber að gæta þess að merkið falli vel að heildarútliti og njóti sín vel.

### **5.5 Skyggjur (glærur)**

Borgarfulltrúar og starfsmenn noti ávallt merki borgarinnar í glærुकynningum sem þeir halda fyrir hönd borgarinnar. Þeim er heimil notkun á glærugrunnum sem eru aðgengilegir á innri vef borgarinnar. Ekki er gerð krafa um nákvæma staðsetningu merkisins eða útlit að öðru leyti en því að hönnuðum ber að gæta þess að merkið falli vel að heildarútliti og njóti sín vel.

### **5.6 Byggingar**

Allar byggingar sem hýsa starfsemi borgarinnar eiga að vera merktar með skjaldarmerki borgarinnar og heiti viðkomandi starfsemi. Merkingar eru á ábyrgð þeirra sem reka fasteignir borgarinnar. Merkingarnar skulu vera á áberandi stað til að auðvelda fólki að finna viðkomandi þjónustu. Sjá sýnishorn í hönnunarstaðli í fylgiskjali 2.

### **5.7 Bifreiðar**

Bifreiðar sem eru í notkun á vegum Reykjavíkurborgar og stofnana hennar skulu merktar með skjaldarmerki borgarinnar. Einnig er heimilt að setja vefslóð og/eða miðlægt símanúmer þar sem því verður við komið. Merkið skal líma á framhurðir á hvorri hlið bifreiðar, þannig að miðja merkis komi á miðju hurðar og efri brún merkis sé u.þ.b. 5 cm frá neðri brún hliðarrúðu. Sjá nánar í hönnunarstaðli í fylgiskjali 2.

### **5.8 Fánar, gjafavara og önnur sértílik**

Á fánum er notað blátt skjaldarmerki miðjað á hvítum feldi. Fyrir sex metra fánastöng er breiddin 150 cm en hæðin 100 cm. Fyrir fánastöng sem er 8 metrar er breiddin 180cm og hæðin 120 cm. Standfánar eru 100 x160 cm og með hvítu kögri. Borðfánar eru 15 cm að breidd en 25 cm að hæð og með hvítu kögri.

### **5.9 Gjafavara o.fl.**

Þegar skjaldarmerki borgarinnar er notað á gjafavöru borgarinnar og annað sem ekki fellur undir hefðbundið prentefni er óhjákvæmilegt að sveigja frá stífum kröfum um litanotkun. Þó er mælst

til þess að litir séu sem líkastir því sem tilgreint er í 2. grein. Lögð er áhersla á að skjaldarmerkið fái notið sín með smekklegum hætti eftir því sem við á hverju sinni.

## **6. grein**

### **Önnur notkun merkisins**

Öðrum en borgarstjóra, borgarfulltrúum, starfsmönnum og stofnunum Reykjavíkurborgar er óheimilt að nota merki borgarinnar, með þeim undantekningum sem hér greinir. Um útlit, liti og letur merkisins gilda sömu reglur og kveðið er á um í grein 1, 2, 3, 4 og 5.2.

#### **6.1 Notkun félagasamtaka**

Félög um borgarmálefni mega, að fengnu leyfi Reykjavíkurborgar<sup>1</sup>, nota merki borgarinnar ásamt félagsmerki sínu eða greinilegu auðkenni. Sama gildir um félög borgarstarfsmanna. Reykjavíkurborg getur, hvenær sem er, krafist þess að merki borgarinnar sé afmáð úr slíku félagsmerki, ef notkun þess kastar rýrð á skjaldarmerkið sjálft eða þykir óheppileg á annan hátt. Félögum sem koma fram sem Reykjavíkurfélög í keppni er heimilt að nota merkið til auðkenningar.

#### **6.2 Notkun á söluvarningi**

Óski einstaklingar eða fyrirtæki að framleiða varning með merkinu eða merkið sjálft í einhverju formi og hafa til sölu þarf til þess leyfi Reykjavíkurborgar hverju sinni. Óheimilt er að nota merkið sem hluta af firmamerki eða vörumerki. Stjórnmalaflokkum er ekki heimilt að nota merkið og óheimilt er með öllu að nota það til stjórnmaláráðs.

#### **6.3 Umsóknir um notkun**

Umsókn til Reykjavíkurborgar um leyfi til þess að nota skjaldarmerki borgarinnar skulu fylgja a.m.k. tvö sýnishorn eða uppdráttir af merkinu eins og á að nota það.

Samþykkt af borgarráði 10. ágúst 2004

---

<sup>1</sup> Skrifstofa borgarstjóra og borgarritara leiðbeinir um gerð merkis og veitir leyfi til notkunar þess.